



Title	漢詩
Author(s)	鈴木, 豹軒
Citation	懷徳. 1933, 11, p. 108-111
Version Type	VoR
URL	https://hdl.handle.net/11094/88894
rights	
Note	

The University of Osaka Institutional Knowledge Archive : OUKA

<https://ir.library.osaka-u.ac.jp/>

The University of Osaka

惺軒養生箴

惺軒 高 瀨 武

日步數里。夜浴半刻。發聲吐納。長眠少食。惟酒代藥。微醺乃息。百事守些。常習爲則。

觀 鷗

獨羨間鷗遊碧河。浮沈進退只隨波。養心莫善於無我。一氣融然百事和。

偶 成

吾等若醒長夜眠。眼前卽是聖人田。美花佳實隨時在。何必遠求桃果仙。

琉璃溪 十一勝 癸酉七月

溪在京都府船井郡西本梅村。昭和七年十月。內務省指定。列之于名勝區。

鈴 木 豹 軒

洞門噴瀑雪。上有萬尋崖。潭水涵秋影。皆疑錦繡埋。錦繡崖

峽窄巖重疊。流懸風怒號。似開生死路。快下鬼神刀。快刀巖

衆水爭孤柱。潭題龍軻名。人言勢相似。秦政避荆卿。龍軻潭

隱見虹光白。誰言蚪飲泉。素持行雨力。澗底勿貪眠。渴蚪澗

敬愛如賓主。雌雄比配長。慎休雙戰野。野戰血玄黃。雙龍澗

度梢風細細。鳴瀨水濺濺。時有幽禽叫。誤驚山客眠。高臥石

厲揭隨回澗。林深同古初。跳泉盤玉走。白日睡椒魚。玉走盤

龜祖神州物。汝孫千劫前。負圖遊禹域。已在伏羲年。寶龜巖

天上無邪道。人間有鼓湍。要教聞廣樂。不是諫天官。天鼓湍

長方盤石靜。左右水聲多。一自樵人去。曾經幾爛柯。爛柯石

彷彿鳴環佩。清都憶玉人。水晶簾撥上。方見麗容真。水晶簾

邦君遊宴地。錦樹擁巖泉。行客今同樂。徘徊身欲仙。會仙巖

遊琉璃溪作

用羽峰南摩氏詩原韻、昭和八年、七月十六日、行樂社諸友同往。

煙霞性癖好探奇。夢寐不忘溪山姿。自聞琉璃饒勝槩。吟魂飛動神迷離。此日來遊沿崖澗。足躡巖角手攀枝。石廩投擲懸川注。激湍成雷天不知。岸樹蒼鬱白日暗。琪花瑤草難入詩。琉璃山鳥時一叫。鸞鵲魚何所之。安得長往幽林下。隨意行歌清溪湄。

疊韻贈竹內清齋

源太郎

天下處處藏幽奇。幾人能發秘奧姿。琉璃水石雖奇絕。溪山文章有合離。丹州雅士竹清齋。手執禿毫管一枝。卅年稱說動官府。勝區一定舉世知。吾徒來遊當夏日。跋涉澗崖各賦詩。水懸巖秀天造妙。柳記元銘此兼之。
自注、唐元結有浯溪諸銘、柳宗元有永州八記、請待深秋錦樹美。再來逍遙溪之湄。

自片原街移居相國寺東鄰作

癸酉六月

八年棲息掃塵蹤。亦得幽居鄰巷逢。無改詩書南面樂。熟知樹竹北牕容。
新居係柳博士舊宅 鈞

簾待上清溪月。敲枕要聞蕭寺鐘。豈獨入樓山翠好。臨園高臥倒看松。

新居雜詠 六首 八月

給園披露草。停杖立池塘。出水蓮花淨。迎風心地涼。誰能微妙際。聽響到開房。相國寺曉池

伏晝朱陽赫。黑雲過太虛。一聲雷雨動。飛瀑迸庭除。不待監河子。輒波活涸魚。驟雨碧盞承溥露。薜花妍曉晴。無風櫻葉下。秋意逐時明。何物尤驚我。晝夜候蟲鳴。秋意蟲韻入秋急。令吾心緒驚。湘靈波底月。闕氏塞頭雲。羽股千般曲。常思故里聞。蟲韻閒庭幾株樹。數畝綠留陰。移榻向涼處。輕風拂短襟。籬邊漸還暮。明月已來臨。露氣隨他下。仰天獨浩吟。閒庭

逍遙古隄道。鳥定行人稀。明月照流水。清風吹葛衣。悠悠天地闊。除此我安歸。夜步隄

弔國殤文

黃裳 中井天生